

Me tɔnɔn asaria yen adunia nɔɔsiabu

Garin tore

Nde me`ba doke ma tombu kpuron beere ka ben asaria nerabu soora tii moru ka gem weebu ka sere si na ta tasa anduniaɔ,

Nde me`dunia soɔ tomba h̄ ki bu tɔ nun asaria ka yeru sariru dooru doke sere ba n ye tusa n dera daa kam ya dabia ma ya duniagibu daakari seeya. Yen soɔa ye tɔnu kanamɔ n kpuro kere yera u wa u n tii mo kpa u gere ye u bwisika, u tamaa doke kpa u narurabu ka yaaru biru ko,

Nde me`ye ya kere yera tem mi ba wooda swii bu tɔnum asaria nɔni doke, n wa tirasi yu ku wii deema u ka tii yina yen so ba wii yoru diisiama ka ba wii takaasi mo;

Nde me`ye ya kere yera bu nɔɔsina ka bu bɔɔɔnu dam ke tem baa,

Nde me`tire te soɔ tem tɔm be ba. Waa ONUN yigberu soɔ ba tɔnɔn asarian tii, win girima ka win beere, tɔn durɔ ka tɔn kurɔn nerabu (goo kun goo kere) kpam naane kua. Ma ba yii bu (swaa kpee) ko ne tombun waaru ta koo ka sosi, kpa bu waaru gosia doonɔɔrugiru mi tii moɔa kon kpa,

Nde me`tem ka tem me`mu, yigberu duuwa me ka ONU ba mua bu ko me`ba koo ko bu ka tɔnɔn asaria ka win tii morun tii tii girima doke,

Ye ya kere yera suam tem (tia) me`tɔnɔn asaria ka win tii morun swaa soɔ, n wa me`ba yii ba ne ba koo ko bu ye ko mam mam.

Menno boko ge, ga yɔrasia ga ne:

me tɔnɔn asaria yen adunia nɔɔsia bi bu saawa, gaa ni bweseru baatere ka tem baamere mu kasu mu naa, n wa tombu kpuro, soɔ ko yenu ka yigberu kpuro, ba n tɔnɔn asaria nɔɔsia bi bwisika bu asaria girima dokebu ka tii moru wuu swaa daasia ka keu soɔsibu ka sere bwisi sosibu. Kpa bu ko me`ba koo ko n wa kpure kpure ba aweren temɔ, bu girima doke bi ka tii moɔ te sua, kpa bu ka soɔm buru ko wuu si su waa yigbe te soɔn tombun tii ka tem me`ba mo min tombu soɔ.

Damba 1

Ba tombu kpuro marawa ba tii mo, ba ne, girima ka saria soɔ. Ba ra bwisiku, ba dasabu mo, ma n weene ba n waasine merobisiru soɔ.

Damba 2

Baawere ko kpi u sariaba ka tii moɔ ni ba kpaa min baruka digoo kun tuko, bwesera, wasin gɔna, durɔwa, kurɔwa, politikin beragia, n kun me bwisikunu gana.

Yen biru, n h̄ koorɔ bu tem ka tem wunana politiki ka wooda swaa soɔ. Ka da tem min di tɔnu yarima, mu tii moɔnua mua, mu h̄ mue ro.

Damba 3

Tɔnu baawere u waarun saria mo ka tii moru, ka sere me ba koo wii yina.

Damba 4

Ba h̄ goo yoru muamo, bu sere wii dendi. Ba yoru diisiabu ka yoru muaba yina.

Damba 5

Ba h̄ goo takaasi mo, ba h̄ ma goo nɔni swaaru soɔsino, bu sere goo nuku kɔsuru, ka sanani ka ma sere ye n h̄ weene bu tɔn wundeko ni kuaa siimaa ko.

Damba 6

Baawere asaria mo yan kpuro bu wii tuburi u n siribun tɔnu.

Damba 7

Tombu kpuro ba newa woodan bera (swaa soɔ) n maa weene tii yina bi ba ko ka be yina, bun saa tia bu ku goo suu wuna, n da ma ba saria ye sara, bu ka wa bu be taki di ka bu be nɔɔ kuuri be kpuro wooda ya ko be gane.

Damba 8

Tɔnu baawere u saria mo u win tem siru ye feagiru faaba kana ma ba wi toraa swee yi soɔ wooda ya wi nɔɔ ka.

Damba 9

N h̄ koro bu tɔnu yɔrasia, bu wii nua n kun me bu wii tem yara.

Damba 10

Tɔnu baawere u saria mo, naa nebu wolluyee, u win mem gere bu nɔɔ dee dee samaan nɔni, kpa siri yeru te ta h̄ gonnu ka yaa murenamo, tu wunana u n gem mo, ye n win baa ka win tirasi, tora te ba ma wi waasi ta h̄ gem, sirikobu bu asaria ko.

Damba 11

Tɔnu wi ba toraru waasi, ma ba h̄ gina ten see da noma tura, yen yero kun gina gee mo. Ba n koo wi siria n saria mo u goo kasu wi u koo ka wii yina.

N h̄ weene bu tɔnu taare we yen so u gaanu kua n kun me yen so u gaanu duari ni nu h̄ waa toraru ka asarian swaa soɔ, saname u ni kua Yen biru, n h̄ weene bu yero taare we ya n kpaaru kere nde ye ba ko raa wii we saa ye u tora.

Damba 12

Tɔnɔn waarun gari, win yenu win nɔɔsina ka win berusebu ya h̄ goo wa. Mena maa n h̄ weene bu tɔnu beere biasia kam soɔ. N weene asaria yu ka tɔnu yina ka kookoo si sa sia mi.

Damba 13

Tɔnu baawere u saria mo u da mi u ki, kpa u win yenu bani win temɔ.

Tɔnu baawere u saria mo u tem gam n di see, ka da win tin tem, u koo ma kpi u wure u wuraa mi.

Damba 14

Ba n tɔnu takaasi mo, u saria mo u waayeru kasu tem gam gia, kpa u tem min baruka di.

Ba h̄ kpe bu asaria ye gbiisia ma ba seeda kua ba wa ma u torawa. N h̄ maa koorɔ bu asaria ye gbiisia ma win kookoosu kun saa dee dee n de me yigbe baka te ONU ya yii.

Damba 15

Tɔnu baawaren sariawa u n saa tem gam tɔnu.

Ba h̄ goo yinarimo u n saa tem gam tɔnu, bu sere wii yinari u tem sweyna.

Damba 16

Saa tɔnu saa gaa tura, ba ɛ bweseru garu, tem gam tɔndu, gusu no saaru garu suu wune, tɔn kuro ka tɔn duro ba saria mo bu suana kpa bu bibu ma. Ben saria ya ne wa suanaan swaa soɔ.

Be ba ki bu suana sere bu gina nɔɔsina n kun tirasi.

Sa seewa sa tɔnun bweseru deemawa tem mi, bwese tera ta gbiiya n ma weene bu ka te yina.

Damba 17

Baawere, a, wi turowaa a be dabinaa, u kon win baa moɔwa.

Ba ɛ kpe bu tɔnu win gaanu worari ka dam.

Damba 18

Tɔnu baawere u ayeru mo: ɛ bwisiku nde me u ki, u n dasabu mo, kpa ɛ gusuno sa; aye te ta dera u koo kpi ɛ gusuno saaru garu deri ɛ garu swii, nde me u koo kpi ɛ gusuno saa wi turo, n kun me sannu sannu, samaan wuswaaɔ n kun me win beraɔ nde me u ki.

Damba 19

Tɔnu baawere u saria mo ɛ gere me u wa, u kun nande, kpa ɛ gari ka dabaaru ye u nua tem pusi me u kpia ka mi u ki.

Damba 20

Tɔnu baawere saria mo ɛ menno ka yigberu ko ta kun naanaanu ganu mo.

2. Ba ɛ goo tirasi mo ɛ yigberu garu du.

Damba 21

Tɔnu baawere u saria mo ɛ win tem tɔmbun wunanɔsu soɔ du ɛ n ki win tii tii, n kun me ɛ sɔmbu gabu wuba be u ki bu wi wunana.

Tɔnu baawere koo kpi ɛ samaa sɔmburu (bature sɔmburu) ko, nde me ba yen kpuna yii.

Me samaa ya yii mi soɔra tem dam mu tasa. Swaa ye soɔ ba ko n da tete to, taki sari, sanam ka sanam, tumbu kpuron nɔni biru n kun me bokusaɔ, bu ku goo tirasi ko u ka goo tete toowa.

Damba 22

Tɔnu baawere u saria mo u nɔm keru wa, mi win baa ya waa kpuro. Ka win tem kookari, ka mi nɔɔsina ye ya waa ka tem tukun dam, n wa win waaru tan girima mo.

Damba 23

Tɔnu baawere u saria mo ɛ sɔm buru ko, ɛ gɔsi te u ki, ka ten ye ta mo n koo ka wi naawa keru wa sɔmburu ta n ra yɔra gaso.

Tumbu kpuro, ba kɔsia teeru mo bu mua saa ba ka sɔm bwese te eru mo.

Wi u sɔmburu mo kpuro u saria mo ɛ koriaru mua me n weene, sere tu wi win yenugibu turi me ba kon ka waaru dimo dee dee, n koo koora buka be yina.

Tɔnu baawere u saria mo wi ka gabu bu sɔm kowobun yigbe te ta ra ka be yine swii, kpa bu kpan yigbe mɛrosu soɔ du si su ko nda ka be sunɛ.

Damba 24

Tɔnu baawere u saria mo ɛ wera, u dwee, ɛ sɔmburu ko u ku saka sarasia, kpa ɛ weraru ka kɔsiaru giru mau sanam ka sanam.

Damba 25

Tɔnu baawere u saria mo ɛ waaru diisina me u koo ka win bwaa doɔ, win bwe, ka win yenugibugia nɔri, nde dianun bera, yanu waayeru, dokotoro tim. Win sɔmburu ta n yɔra, ɛ n bara ɛ n yemo kua, ka sere ye u mo ya n buera n kun ka win goɔru kiru, u saria mo nɔm kerun yigberu tu wii dera.

Yɔɔniru ka biru ta saria mo bu te nɔri gem gem. Kuro wi na ka kuro kpaaru mo win bibu, ka wi na ɛ ka kuro kpaaru mo n bibu, be kpuro somi tee tera ba ko be ko.

Damba 26

Tɔnu baawere weene ɛ keu ko. Keu ya weene bu ye ko n kun ka gobi, n ɛ man kere keu dii piibinugia. Kei dii piibinunkeu ya saa tirasi. Keu nɔman sɔm mɛeribu gia ka gbankoko sɔm mɛeribugia n weene bu n saa tumbu kpurongia, saa ba ka yen saka tura.

Ye tɔnu kasu keu soɔ yera bwe dora, n wa tɔnum asaria ka win tiin mɔrun nɔni dokebu bu dam sosi. Keu ya weene yu somi me nɔɔsina, suuru, ka kiru ta kon ka waa tem kpuro, bwese wuunu kpuro n kun me gusuno saarugibun mi. Kpa yu kpam yigbe baka te ba soka ONU somi ten wɔri soɔ me ta koo ka sina seeru swii andunia soɔ.

Biin tundo ka biin mero ba ayeru mo bu ben bibu keu doke swaa ye ba ki soɔ.

Damba 27

Tɔnu baawere koo kpi, dwee bi tɔmba mo ɛ bi du ma u ki, kpa ɛ bin baruba di. Tɔnu baawere koo kpi ɛ kasoo soɔ du kpa ɛ yen arufaani di.

N weene su ka tabu yari, n wa wi u kasoo mo (gaanun gɔsiabun bera, tire yoran beran) ɛ yen arufaani di.

Damba 28

Tɔnu baawere u saria mo ɛ ko me u koo ko, tumbu soɔ ka tem tukumɔ, baayere ya n ka nɔ ne saria ka tii moɔ tɛn gari ba kpapa mi soɔ kpa tumbu ka ye sɔmburu ko.

Damba 29

Tɔnu, tirasi, sɔmbura, wi yiye ɛ samaa kua domi mi soɔra u ko win baayere siisia me u ki.

Tɔnu ɛ n asaria ka tii mɔru mo a n maa winsingia geriti, a n tii ye n wa goo ɛ ku ka googia menna kpa wuu gu ka sina see. Ba ne mi be tɔnun ayera yɔra, mi n dia googiru ta torua.

Saria be ka tii moɔ te, ye kpuro, ba ɛ ka yo sɔmburu mo bunanam. Nde me yigbe bakate ONU ya yii mesuma ba koo sua.

Damba 30

Ye ka ye ba yii tɔnun asarian bera mi baasi, kpuna gaa ka kookoosu gasu maa sari, si ba koo tusia nenem, tem gam, bu ka saria ka tii moɔ te ba kpapa mi kpeera - sia pai.